

2008 Rhif 1646 (Cy.159)

**AMAETHYDDIAETH, CYMRU
BWYD, CYMRU**

Rheoliadau Cynhyrchion Reis o
Unol Daleithiau America
(Cyfyngiad ar eu Rhoi Gyntaf ar y
Farchnad) (Cymru) (Diwygio) 2008

NODYN ESBONIADOL

(Nid yw'r nodyn hwn yn rhan o'r Rheoliadau.)

Mae'r Rheoliadau hyn yn diwygio Rheoliadau Cynhyrchion Reis o Unol Daleithiau America (Cyfyngiad ar eu Rhoi Gyntaf ar y Farchnad) (Cymru) 2008 ("y prif Reoliadau").

Mae'r prif Reoliadau yn rhoi ar waith, o ran Cymru, Benderfyniad y Comisiwn 2006/601/EC ar fesurau argyfwng ynghylch yr organedd a addaswyd yn enetig nas awdurdodwyd "LL RICE 601" mewn cynhyrchion reis (OJ Rhif L244, 7.9.2006, t.27) fel y'i diwygiwyd ddiwethaf gan Benderfyniad y Comisiwn 2008/162/EC sy'n diwygio Penderfyniad 2006/601/EC sy'n ymwneud â mesurau argyfwng ynghylch yr organedd a addaswyd yn enetig nas awdurdodwyd "LL RICE 601" mewn cynhyrchion reis (OJ Rhif L52, 27.2.2008, t.25).

Mae'r Rheoliadau hyn—

- (1) yn diwygio rheoliad 2 o'r prif Reoliadau i gywiro gwall teipograffyddol; a
- (2) yn diwygio rheoliadau 4 a 5 o'r prif Reoliadau i ddileu geiriau diangen.

Ni pharatowyd asesiad effaith rheoleiddiol mewn perthynas â'r Rheoliadau hyn.

2008 Rhif 1646 (Cy.159)

AMAETHYDDIAETH, CYMRU

BWYD, CYMRU

Rheoliadau Cynhyrchion Reis o
Unol Daleithiau America
(Cyfyngiad ar eu Rhoi Gyntaf ar y
Farchnad) (Cymru) (Diwygio) 2008

Gwnaed 23 Mehefin 2008

Gosodwyd gerbron Cynulliad

Cenedlaethol Cymru 24 Mehefin 2008

Yn dod i rym 17 Gorffennaf 2008

Mae Gweinidogion Cymru yn gwneud y Rheoliadau canlynol drwy arfer y pwerau a roddwyd iddynt gan adran 2(2) o Ddeddf y Cymunedau Ewropeaidd 1972(1).

Cafodd Gweinidogion Cymru eu dynodi at ddibenion yr adran honno o ran mesurau sy'n ymwneud â bwyd (gan gynnwys diod) gan gynnwys cynhyrchu sylfaenol ar fwyd a mesurau sy'n ymwneud â bwyd anifeiliaid a gynhyrchir ar gyfer anifeiliaid neu y porthir anifeiliaid sy'n cynhyrchu bwyd ag ef(2).

Enwi, cychwyn, dehongli a chymhwyso

1.—(1) Enw'r Rheoliadau hyn yw Rheoliadau Cynhyrchion Reis o Unol Daleithiau America (Cyfyngiad ar eu Rhoi Gyntaf ar y Farchnad) (Cymru) (Diwygio) 2008.

(2) Daw'r Rheoliadau hyn i rym ar 17 Gorffennaf 2008.

(1) 1972 p.68.

(2) O.S. 2005/1971. Cafodd swyddogaethau Cynulliad Cenedlaethol Cymru eu trosglwyddo i Weinidogion Cymru gan adrannau 58 a 59 o Atodlen 28 i Ddeddf Llywodraeth Cymru 2006 (p.32) a pharagraffau 28 a 30 o Atodlen 11 iddi.

(3) Yn y rheoliadau hyn ystyr “y prif Reoliadau” (“*the principal Regulations*”) yw Rheoliadau Cynhyrchion Reis o Unol Daleithiau America (Cyfyngiad ar eu Rhoi Gyntaf ar y Farchnad) (Cymru) 2008(1).

(4) Mae'r Rheoliadau hyn yn gymwys o ran Cymru.

Diwygio'r prif Reoliadau

2. Diwygir y Prif Reoliadau yn unol â'r paragraffau canlynol—

- (a) yn rheoliad 2(1) (dehongli) yn y diffiniad o “awdurdod bwyd anifeiliaid” yn lle “adran 67(1)” rhodder “adran 67(1A)”;
- (b) ym mharagraff (1) o reoliad 4 (gorfodi) hepgorer y geiriau “neu, yn ôl y digwydd, ei ddsbarth,”; ac
- (c) yn rheoliad 5 (cymhwyso darpariaethau amrywiol Deddf Diogelwch Bwyd 1990) ym mharagraff (c) (sy'n ymwneud ag adran 32 - pwerau mynediad) hepgorer y geiriau “neu, yn ôl y digwydd, ei ddsbarth”.

Gwenda Thomas

O dan awdurdod y Gweinidog dros Iechyd a
Gwasanaethau Cymdeithasol, un o Weinidogion
Cymru

23 Mehefin 2008

(1) O.S 2008/781 (Cy.80).